

INSTRUCCIÓNS XERAIS PARA A RENOVACIÓN DO PERMISO DE EXPLOTACIÓN PARA MARISQUEO XERAL E RECURSOS ESPECÍFICOS A PÉ PARA O ANO 2024

1. PRESENTACIÓN DA SOLICITUDE

1.1. Impreso normalizado PE401B e documento de representación

As persoas titulares do permiso presentarán a súa solicitude de renovación a través da Sé Electrónica da Xunta de Galicia <https://sede.xunta.gal>, empregando o **impreso normalizado PE401B**, que se mantén actualizado e adaptado á normativa vixente, como refire a disposición adicional quinta do Decreto 153/2019, do 21 de novembro, polo que se regula o réxime de conservación e explotación dos recursos marisqueiros e das algas.

Cando a persoa solicitante actúe designando a unha persoa representante para a tramitación do procedemento achegarase o formulario normalizado de representación (dispoñible en <https://sede.xunta.gal/ficheiros/modelos-normalizados/Representación-G.pdf>), que deberá ser asinado pola persoa representante e pola persoa outorgante da representación.

En todo caso, aínda que outra persoa física ou xurídica actúe como representante, tanto na solicitude como nas accións posteriores, a persoa que debe figurar como solicitante é a titular do permiso.

1.2. Pagamento da taxa

Xustificante de **pagamento da taxa** correspondente, agás que o pagamento se realice de forma telemática.

O importe da taxa para a expedición ou duplicado de permisos de explotación a pé, tanto para marisqueo xeral como para recursos específicos segundo a normativa de taxas vixente é de 10,06 €.

2. ACREDITACIÓN DO EXERCICIO DA ACTIVIDADE MARISQUEIRA



Deberase acreditar ter realizado unha actividade suficiente, entendendo por esta a que se realiza de modo efectivo durante un mínimo de:

1º- O 70% dos días da actividade laboral efectiva dentro do plan de xestión. A dita porcentaxe calcularase a partir da información da que dispón a Consellería do mar sobre as vendas realizadas durante o ano natural anterior á solicitude (ano 2022). Esta información será remitida a cada confraría/ entidade para o seu coñecemento.

2º- O 95% dos días efectivos dos autorizados dentro do plan de xestión para as actividades de semicultivo necesarias, así como dos traballos de control, protección e vixilancia dos bancos marisqueiros, sempre que así estea recollido no plan de xestión aprobado.

3º- No caso dos recursos específicos deberanse cumprir as prescricións específicas do plan.

No caso de que unha persoa participe en varios plans de xestión, para renovar o permiso de explotación computarase o total dos días de traballo autorizados e que fosen efectivos para todos os plans en que se participe, sen que se poidan contabilizar días de actividade por duplicado.

No caso do recurso percebe, non se computarán como días de actividade efectiva aqueles en que se acredite que traballaron menos do 15% das persoas con permiso de explotación para percebe a pé.

2.1 Xustificación da inactividade por atoparse en situacións protexidas pola Seguridade Social

Computará como día de actividade o tempo durante o cal a persoa titular permanecese inactiva por causa imprevisible ou inevitable debidamente xustificada, por violencia de xénero e por atoparse nalgunha das seguintes situacións protexidas pola Seguridade Social: incapacidade temporal, maternidade ou paternidade, por nacemento de fillo/a, adopción ou acollemento, risco durante o embarazo ou risco durante a lactación natural.

De ser o caso, deberán achegar aqueles documentos que acrediten o tempo no que se permanece nalgunha das anteriores situacións. No suposto de incapacidade temporal, recoméndase achegar un informe do seu médico de



atención primaria da Seguridade Social, onde se indique a data de inicio e de finalización da situación de incapacidade temporal.

2.2 Xustificación da inactividade por ter realizado labores de representación

No caso dos/as patróns/oas maiores, presidentes/as das agrupacións sectoriais e das federacións das confrarías, persoas que legalmente poidan substituílas ou nas cales deleguen expresamente, considerarase causa xustificada de inactividade o período de tempo empregado nos labores de representación, cando coincida co día de actividade de marisqueo. Deberase achegar **documento que o acredite e no que se fagan constar os días dedicados a esta actividade.**

2.3 Extracción de semente de mexillón

Os días dedicados polas persoas mariscadoras á extracción de semente de mexillón computarán para a renovación do permiso de marisqueo a pé cando coincida cun día de actividade extractiva.

Para acreditar estas situación deberán achegar un **certificado da entidade titular do plan de xestión** en que fagan constar os días dedicados a esta actividade. O documento será asinado polo/a presidente/a da agrupación sectorial, de estar constituída, ou, en caso contrario, pola persoa representante da confraría ou entidade asociativa

2.4 Actividades de turismo mariñeiro e labores de control

Os días dedicados polas persoas mariscadoras ás actividade de turismo mariñeiro e aos labores de control da actividade extractiva terán a consideración de días de actividade marisqueira, para os efectos de renovación do permiso de explotación a pé, e computarán para a dita renovación cando coincidan cun día de actividade extractiva.

Para acreditar estas situación deberán achegar un **certificado da entidade titular do plan de xestión** en que fagan constar os días dedicados a esta actividade. O documento será asinado polo/a presidente/a da agrupación sectorial, de estar constituída, ou, en caso contrario, pola persoa representante da confraría ou entidade asociativa

2.5. Actividades de semicultivo

No caso de estar contemplado no plan de xestión aprobado, un **certificado da agrupación sectorial**, de estar constituída, selado e asinado pola/o





presidenta/e da agrupación ou, en caso contrario, pola persoa representante da **confraría ou entidade asociativa**, para acreditar os días dedicados no ano 2022 ao **traslado de semente, limpeza de bancos marisqueiros ou demais actividades de semicultivo necesarias para a mellora da produción e os traballos de control, protección e vixilancia** dos bancos, sempre que estivese recollido no plan de explotación. Este certificado incluírá a información establecida no artigo 16.1b).2º da Orde do 30 de decembro de 2015 pola que se regula a explotación dos recursos específicos da Comunidade Autónoma de Galicia, e no recollido no artigo 12.3.b) da Orde do 15 de xullo de 2011 pola que se regula o permiso de explotación para o marisqueo a pé, no cal se fará constar:

1º As datas dedicadas pola persoa solicitante ás tarefas relacionadas anteriormente, expresando en todo caso os días e meses.

2º A información necesaria sobre o desenvolvemento das actividades, que permita calcular se a persoa solicitante cumpre a porcentaxe necesaria para renovar o permiso.

2.6. Prescricións específicas do plan

Ademais, no caso dos recursos específicos, e de estar contemplado no plan de xestión de aprobado, deberán acreditar mediante un **certificado da agrupación sectorial**, de estar constituída, selado e asinado pola/o presidenta/e da agrupación ou, en caso contrario, pola persoa representante da **confraría ou entidade asociativa** o **cumprimento das prescricións específicas do plan de explotación** recollido no artigo 16.1. a) da Orde do 30 de decembro de 2015 pola que se regula a explotación dos recursos específicos da Comunidade Autónoma de Galicia.

2.6. Xustificantes de vida laboral e de prestacións sociais públicas

Soamente será necesario presentalos no caso de oposición expresa á comprobación deses datos que aparecen no impreso normalizado.

2.7. Presentación de fotografías

A Xefatura Territorial ou a Xefatura Comarcal correspondente remitirá ás confrarías/ entidades a relación de persoas que necesiten entregar unha fotografía para a renovación da tarxeta.

Xefatura Territorial de Vigo
Rúa Concepción Arenal, 8-4º andar
36201 Vigo (Pontevedra)
Tel.: 986817104
recursosmarinos.cmm.vigo@xunta.gal



3. SUSPENSIÓN TEMPORAL DO PERMISO DE EXPLOTACIÓN

As persoas que se atopen nunha situación de suspensión temporal da vixencia do permiso, nalguna das situacións establecidas nos artigos 19, 20 e 21 da Orde do 30 de decembro de 2015 pola que se regula a explotación dos recursos específicos da Comunidade Autónoma de Galicia, e artigos 14, 15 e 16 da Orde do 15 de xullo de 2011 pola que se regula o permiso de explotación de marisqueo a pé **deberán presentar ademais do formulario de solicitude de renovación, outro formulario de solicitude de suspensión**, é dicir, presentaranse dúas solicitudes PE401B independentes, unha co obxecto da renovación e outra co obxecto da suspensión na que terán que presentar a seguinte documentación adicionalmente:

3.1. Documentación que acredite a situación de que se atopa nalguna das situacións recollidas nos artigos citados (esta documentación está establecida no artigo 23 da Orde do 30 de decembro de 2015 e no artigo 18 da Orde do 15 de xullo de 2011, dependendo da situación de que se trate).

3.2. Certificado da entidade titular do plan de xestión no que se faga constar que a persoa solicitante está ao día coas obrigas como socia da confraría ou entidade á que estea asociada e/ou da agrupación sectorial na que esta integrada, de estar constituída.

4. NOVOS PERMISOS DE EXPLOTACIÓN

Aquelas persoas ás que se lle outorgue o permiso de explotación ao longo do ano 2023, terán que solicitar tamén a renovación para o ano 2024 antes de que finalice este ano.

A Xefa Territorial
Sonia Lorenzo Santos

Xefatura Territorial de Vigo
Rúa Concepción Arenal, 8-4º andar
36201 Vigo (Pontevedra)
Tel.: 986817104
recursosmarinos.cmm.vigo@xunta.gal

